

**POZITIVNE PRIČE** „Behar Company” iz Donje Golubinje

# Proizvode 10 do 15 tona kocke mjesečno

Kocka i poslastice „Lido” osvajaju tržište • Hodžić sam dizajnirao i izradio većinu mašina

Trgovačko-proizvodno preduzeće „Behar Company” Donja Golubinja u Žepču, vlasnika Velida Hodžića, posljednjih pet godina bavi se proizvodnjom kocke, želea, rahatlokuma i marmelade, a svi proizvodi su pod imenom „Lido”.

## Osam zaposlenih

- Imamo tržište u cijeloj BiH. Proizvodimo u prosjeku 10-15 tona kocke mjesečno, i isto toliko drugih poslastica. Mjesečna prodaja je oko 40.000 KM. Posljednje dvije godine počeli smo i s proizvodnjom marmelade - kaže Velid Hodžić.



Hodžići s Brankom Janko iz Razvojnog centra Žepče



U proizvodnom pogonu

Sirovine su provjerenog kvaliteta, a izrada je po vlastitoj recepturi, koju su usavršili u proteklih pet godina. Velidov sin Omer, ovisno o

potrebi, bavi se idejnim i marketinškim poslovima, dok je u procesu proizvodnje, transporta i pakiranja osam zaposlenih.

## Težak početak

Početak je, kaže nam Hodžić, bio težak i riskantan, ali preduzeće je već sada u fazi kada se može govoriti

o profitu, pa to znači i mogućnost razvoja i širenja proizvodnje. Nažalost, poplave su nanijele šteta od 30.000 KM.

- Dizajnirao sam i izradio većinu mašina koje se koriste u proizvodnji i rezanju kocke. Korišten je visokokvalitetan materijal - kaže Hodžić. **A.MEMIŠEVIĆ**